

CONVENIO DE COLABORACIÓN ENTRE O SERVIZO GALEGO DE SAÚDE E A UNIVERSIDADE DE SANTIAGO DE COMPOSTELA RELATIVO Á UNIDADE DOCENTE DE ENFERMERÍA OBSTÉTRICO – XINECOLÓXICA

En Santiago de Compostela, a 02 de decembro de 2019

REUNIDOS

Dunha parte, **don Jesús Vázquez Almuiña**, conselleiro de Sanidade e presidente do Servizo Galego de Saúde, de acordo co establecido no artigo 34 da Lei 1/1983, do 22 de febreiro, de normas reguladoras da Xunta e da súa presidencia, e de conformidade cos Decretos 41/2013 e 43/2013, de 21 de febreiro, polos que se establecen as estruturas orgánicas da Consellería de Sanidade e do Servizo Galego de Saúde, respectivamente, e de conformidade co establecido na Lei 1/2016, do 18 de xaneiro de transparencia e bo goberno, así como na Lei 40/2015, do 1 de outubro, de réxime xurídico do sector público.

Doutra parte, **don Antonio López Díaz**, reitor magnífico da Universidade de Santiago de Compostela (CIF.: Q1518001A), que actúa en nome e representación da Universidade, en virtude do seu nomeamento polo Decreto 57/2018, do 31 de maio, e polas facultades conferidas pola Lei Orgánica 6/2001, de 21 de decembro de Universidades, e do Decreto 14/2014, do 30 de xaneiro, polo que se aproban os Estatutos da Universidade de Santiago de Compostela.

Ambas as dúas partes recoñécense con capacidade legal para obrigarse e subscribir este convenio, e para estes efectos.

EXPOÑEN

Primeiro. Que o Servizo Galego de Saúde, organismo autónomo adscrito á Consellería de Sanidade dende a súa creación pola Lei 1/1989 de 2 de xaneiro, ten entre as súas funcións a xestión das prestacións sanitarias e a xestión dos centros, servizos e establecementos sanitarios propios ou adscritos ao mesmo, así como o desenvolvemento de programas de docencia que lle sexan encomendados pola Consellería, dentro da súa competencia ou que sexan necesarios para os seus fins.

Segundo. Que a Universidade de Santiago de Compostela é unha institución de dereito público á que lle corresponde, no ámbito das súas competencias, o servizo público da educación superior. Está dotada de personalidade xurídica e patrimonio propios e goza de autonomía académica, económica e de goberno de acordo coa Constitución e coa Lei 6/2011, do 21 de decembro, e entre os seus fins prioritarios figuran, entre outros, a consecución das máximas cotas de calidade da

docencia e o desenvolvemento de formación axeitada, presencial ou non, para facilitar a aprendizaxe do estudantado e a preparación para o exercicio de actividades profesionais.

Terceiro. Que é de interese común do Servizo Galego de Saúde e da Universidade de Santiago de Compostela a formación nas Ciencias da Saúde, nas súas diferentes etapas en tanto que, ambas as dúas partes teñen como función básica a prestación dun servizo público á sociedade.

Cuarto. Que a Consellería de Sanidade, o Servizo Galego de Saúde e a Universidade de Santiago de Compostela veñen colaborando tradicionalmente no desenvolvemento de actividades docentes no ámbito da saúde.

Quinto. Que o Servizo Galego de Saúde e a Universidade de Santiago de Compostela subscribiron o 1 de xullo de 1994 un convenio de cooperación para a constitución dunha unidade docente acreditada para a formación de especialistas en Enfermería Obstétrico-Xinecolóxica, coa conseguinte habilitación para o exercicio profesional. A través deste convenio o Servizo Galego de Saúde comprometéase a garantir a dispoñibilidade dos servizos das Institucións Sanitarias de Atención Especializada e Atención Primaria relacionadas no seu anexo para a formación práctica da especialidade, e a Universidade de Santiago comprometéase a garantir a formación teórica da especialidade e asumía a coordinación da Unidade Docente, ubicada actualmente na facultade de enfermaría, en atención ao interese compartido no desenvolvemento daquela formación.

Sexto. Que a unidade docente ten que adaptarse ao disposto no Real decreto 183/2008, do 8 de febreiro, polo que se determinan e clasifican as especialidades en Ciencias da Saúde e se desenvolven determinados aspectos do sistema de formación sanitaria especializada, no Real decreto 1146/ 2006, de 6 de outubro, polo que se regula a relación laboral especial de residencia para a formación de especialistas en Ciencias da Saúde.

Sétimo. Que a través do presente convenio séntanse as bases para canalizar as necesarias relacións de colaboración que deben existir entre os distintos dispositivos da Unidade Docente, a fin de proporcionar aos/ás residentes en enfermmería obstétrico-xinecolóxica, unha formación integral, completa e adaptada tanto á realidade técnica, profesional e social actual, como aos cambios que se poidan producir ao longo do seu período de formación.

Oitavo. Que o Servizo Galego de Saúde destina unha subvención para o adecuado funcionamento da unidade docente de enfermmería obstétrico-xinecolóxica.

Noveno. Dada a especificidade das características que debe cumprir a entidade destinataria da subvención, así como da actividade que desenvolve aquela, non é posible promover concorrencia pública, de conformidade co previsto nos artigos 19.4.c) e 26 da Lei 9/2007, de 13 de xuño, e subvencións de Galicia, e na Lei 1/2016, do 18 de xaneiro.

A formación de especialistas en enfermmería obstétrico-xinecolóxica é de interese público.

O programa formativo da especialidade de enfermmería obstétrico-xinecolóxica consta dunha parte práctica asistencial que se desenvolve nos centros acreditados do Servizo Galego de Saúde, e unha parte teórica importante, con maior carga co resto de especialidades.

Esta formación teórica ten que ser impartida por profesionais debidamente cualificados nas áreas correspondentes, como require a formación de especialistas en Ciencias da Saúde.

A Universidade de Santiago de Compostela é a única das tres universidades galegas que conta con Facultade de Medicina, sendo o seu profesorado o encargado de impartir esta formación.

A Universidade de Santiago de Compostela cumpre os requisitos esixidos polo artigo 10 da Lei 9/2007, do 13 de xuño, para obter a condición de persoa beneficiaria da subvención.

A Universidade comprométese ademais a cumprir as obrigas especificadas no artigo 11 da Lei 9/2007, do 13 de xuño, así como calquera outra obriga que a normativa vixente en materia de subvencións esixa aos beneficiarios destas.

Polo anteriormente exposto, as partes asinantes acordan subscribir o presente Convenio de colaboración de conformidade coas seguintes

CLÁUSULAS

Primeira. Obxecto do convenio

É obxecto do presente Convenio establecer o réxime de colaboración entre o Servizo Galego de Saúde e a Universidade de Santiago de Compostela para garantir o desenvolvemento do programa de formación da especialidade de Enfermería Obstétrico-Xinecolóxica, de conformidade co establecido pola Orde SAS/1349/2009, do 6 de maio, pola que se aproba e publica o programa formativo da especialidade de Enfermería Obstétrico-Xinecolóxica, así como a coordinación do funcionamento da Unidade Docente de Enfermería Obstétrico-Xinecolóxica da Comunidade Autónoma, cuxa titularidade asume o Servizo Galego de Saúde.

Para o desenvolvemento da súa actividade a unidade docente contará na súa composición cos dispositivos asistenciais de atención hospitalaria e atención primaria pertencentes ao Servizo Galego de Saúde, relacionados no anexo I, nos que se desenvolverá a actividade asistencial práctica dos/as futuros/as especialistas, e coa Universidade de Santiago de Compostela como dispositivo no que se desenvolverá a formación teórica da especialidade, segundo o establecido no programa da mesma.

Aos efectos do financiamento do programa formativo teórico e da coordinación da unidade docente de Enfermería Obstétrico-Xinecolóxica de Galicia, do que se responsabilizará a Universidade de Santiago de Compostela, a sinatura do presente convenio implica a concesión directa dunha axuda ao seu favor.

Segunda. Obrigas do Servizo Galego de Saúde

O Servizo Galego de Saúde asume os seguintes compromisos:

- Formalizar os correspondentes contratos de traballo cos persoas que resulten adxudicatarias das prazas en formación, segundo o establecido no Real decreto 1146/2006, de 6 de outubro.

- Determinar os centros hospitalarios e centros de saúde nos que se levará a cabo a formación, que en todo caso terán que estar acreditados para a formación de especialistas en Enfermería Obstétrico-Xinecolóxica (ver anexo).
- Facilitar as instalacións e recursos necesarios para o desenvolvemento de la formación.
- Facilitar a actividade docente do persoal das Institucións Sanitarias que forman parte da Unidade Docente, nas ensinanzas teóricas vinculadas ao programa de formación.
- Financiar os gastos derivados do desenvolvemento do programa teórico da especialidade e do funcionamento da Unidade Docente, mediante a achega da cantidade establecida neste convenio.

A distribución da devandita achega determinarase pola Comisión de seguimento considerada na cláusula novena deste Convenio.

Tercera. Obrigas da Universidade de Santiago de Compostela

A Universidade de Santiago de Compostela:

- Realizará as funcións de supervisión e control do desenvolvemento do programa formativo de Enfermería Obstétrico-Xinecolóxica (Matrona), de acordo co Servizo Galego de Saúde. Así mesmo, propondrá á persoa responsable da Xefatura de Estudos da Unidade Docente. A súa designación, funcións, avaliación e recoñecemento farase segundo o establecido na Orden SCO/581/2008, de 22 de febreiro, pola que se publica o Acordo da Comisión de Recursos Humanos do Sistema Nacional de Saúde, polo que se fixan os criterios xerais relativos á composición e funcións das comisións de docencia, a figura do xefe de estudos de formación especializada e o nomeamento do titor.
- Destinará os fondos achegados polo Servizo Galego de Saúde a sufragar os custos derivados do programa formativo teórico e da coordinación da unidade.
- Porá a disposición dos/as especialistas en formación os recursos que se precisen da Universidade (aulas, salas de reunión, material docente, etc.)
- Planificará o cadro de persoal docente e investigador que imparte docencia teórica na especialidade de enfermmería obstétrico-xinecolóxica.
- Responsabilizarase dos procedementos de selección e provisión temporal de postos de persoal docente e investigador contratado como profesor asociado P6, financiados anualmente, no caso de que sexa preciso para garantir á formación. As prazas de profesorado, no caso de convocarse, a partir da entrada en vigor do presente convenio estarán vinculadas a efectos de planificación docente á área de coñecemento 994, correspondente a especialidade de enfermmería obstétrico-xinecolóxica.

Así mesmo, consonte co que establecen os artigos 40.1, g) e h) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, son obrigas da Universidade de Santiago de Compostela, en tanto que beneficiaria:

- O reintegro, total ou parcial, da subvención no suposto de incumprimento das condicións establecidas para a súa concesión.

- Facilitar toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas no exercicio das súas función de fiscalización e control do destino da subvención.

Cuarta. Financiamento

O Servizo Galego de Saúde financiará, cunha achega máxima de catrocentos oitenta e oito mil catrocentos euros (488.400, 00 €), conforme á seguinte distribución por ano:

- 122.100, 00 €, que se financiarán con cargo á partida orzamentaria 1571.412A.444.0 dos orzamentos xerais da comunidade autónoma para o ano 2019.
- 122.100, 00 € no 2020.
- 122.100, 00 € no 2021
- 122.100, 00 € no 2022.

Os importes correspondentes aos anos 2020, 2021 e 2022, financiaranse con cargo á partida orzamentaria dos orzamentos xerais da comunidade autónoma que corresponda, todo elo condicionado á existencia de crédito axeitado e suficiente nos orzamentos correspondentes ás ditas anualidades.

Poderanse axustar os importes das anualidades do convenio sen superar o importe máximo establecido por anualidade, e, en todo caso, a comisión de seguimento do convenio realizará unha regularización dos gastos variables, antes do 31 de xaneiro de cada anualidade.

A concesión desta axuda é compatible con outras concedidas para o mesmo fin; pero, en ningún caso, o importe da subvención achegada poderá ser de tal contía que, illada ou en concorrencia con outras subvencións, supere o custo da actividade subvencionada, tal como se establece no artigo 17.3 da Lei 9/2007, do 13 de xuño. De ser o caso, deberá reintegrarse o financiamento público polo importe que supere o custo total e real da actividade, segundo o establecido no artigo 21.2 do Decreto 11/2009, do 8 de xaneiro.

Modo de pagamento por parte do Servizo Galego de Saúde e xustificación da aplicación dos fondos percibidos pola USC

O Servizo Galego de Saúde realizará unha transferencia á USC despois do remate de cada cuadrimestre do ano, con cargo aos créditos do presente convenio e previa a adecuada xustificación pola USC dos gastos realizados.

A xustificación realizarase dentro dos primeiros cinco días do mes seguinte ao de remate de cada cuadrimestre, agás no caso do último cuadrimestre do ano, no que deberase realizar, a máis tardar, o 20 de decembro. O servizo Galego de Saúde realizará a transferencia dentro dos cinco días seguintes, unha vez validada de conformidade a xustificación.

A xustificación consistirá nunha certificación da Xerencia da Universidade de Santiago de Compostela da toma de razón en contabilidade e do cumprimento da finalidade para a que foi concedida a subvención. Isto último, independentemente de que a Comisión de Seguimento da cláusula oitava poda solicitar unha memoria desagregada por cada concepto de gasto.

Con cargo ao presente convenio, non se poderá adquirir material inventariable

Para o caso de que para garantir o desenvolvemento do programa de formación da especialidade de Enfermería Obstétrico-Xinecolóxica, se precise a adquisición de material susceptible de ser inventariado, calquera das partes poderá informar desta necesidade na Comisión de seguimento regulada na cláusula oitava deste convenio. No caso de que a dita adquisición estea xustificada, a Comisión poderá dirixirse aos responsables da USC ou do Servizo Galego de Saúde, coa finalidade de que, de selo caso, procedan a súa adquisición e posta a disposición da Unidade Docente de Enfermería Obstétrico –Xinecolóxica. Ditas adquisicións financiaranse con cargo aos fondos propios da entidade que as realice, á cal lle corresponderá así mesmo a titularidade do dito material.

Quinta. Comisión de docencia

A Unidade Docente contará cunha Comisión de Docencia propia, constituída conforme ao Real decreto 183/2008, do 8 de febreiro, así como á Orde SCO/581/2008, do 22 de febreiro.

Sexta. Prazas formativas

A capacidade da Unidade Docente é de 20 prazas acreditadas. A oferta anual de prazas será formulada polo Servizo Galego de Saúde, oída a comisión de seguimento, de acordo coa capacidade docente da unidade e a dispoñibilidade orzamentaria e a demanda estimada de profesionais.

Sétima. Persoal

A subscrición do presente convenio non suporá relación laboral, contractual ou de calquera outro tipo, entre os profesionais que participen na actividade docente u organizativa da unidade docente, e o Servizo Galego de Saúde e a Consellaría de Sanidade, de tal xeito que non se lles pode exixir ningunha responsabilidade, nin directa nin subsidiaria, polos actos ou feitos acaecidos no desenvolvemento desta.

Oitava. Comisión de seguimento

Para o seguimento deste convenio créase unha Comisión Mixta, formada por tres persoas de cada unha das institucións asinantes, designadas polo representante da institución respectiva.

- En representación da Universidade formarán parte da Comisión Mixta:

As persoas titulares do vicerreitorado de Profesorado, do vicerreitorado de Titulacións, ou persoas nas que deleguen, e da xefatura de estudos da Unidade Docente de Enfermería Obstétrico-Xinecolóxica.

- En representación do Servizo Galego de Saúde formarán parte da Comisión Mixta:

As persoas titulares da xerencia do Servizo Galego de Saúde, da xerencia da Axencia Galega para a Xestión do Coñecemento en Saúde, ou persoas nas que deleguen, e da xefatura do servizo de Docencia da Axencia Galega para a Xestión do Coñecemento en Saúde.

A Comisión terá como funcións: o seguimento, avaliación e resolución das cuestións que se formulen durante a aplicación deste convenio, dando traslado, de selo caso, ás instancias

competentes das institucións que o subscriben, as propostas de resolución correspondentes; e o establecemento dos gastos variables anuais antes do 31 de xaneiro da cada anualidade.

A Comisión Mixta constituirase no prazo dun mes, a partir da sinatura do convenio.

A súa presidencia será rotatoria por cursos académicos, correspondendo a primeira quenda ao Servizo Galego de Saúde.

A Comisión reunirse como mínimo dúas veces en cada curso académico, adoptará os acordos por unanimidade e levantará acta do contido de cada unha das reunións.

De forma supletoria aplicarase o disposto, respecto dos órganos colexiados, na Lei 40/2015, do 1 de outubro.

A Comisión poderá reunirse ademais, de xeito extraordinario, por acordo do Presidente ou por petición da totalidade das persoas que representan a calquera das dúas partes que asinan o convenio.

Novena. Vixencia do convenio

O presente convenio ten unha duración de catro anos, a partir da súa sinatura, podendo prorrogarse, por acordo das partes, por un período de ata catro anos adicionais.

En todo caso, as partes comprométense a continuar as actividades docentes da Unidade ata a finalización do programa completo dos enfermeiros/as especialistas que se encontren en formación.

Décima. Modificación do convenio

As partes asinantes poderán acordar a modificación do presente convenio, coa finalidade de axustalo ao cumprimento do seu obxecto.

En todo caso, calquera modificación estará suxeita á normativa que resulte de aplicación, así como ás dispoñibilidades orzamentarias.

Undécima. Causas de resolución

Serán causas de resolución do presente convenio o mutuo acordo entre as partes, o incumprimento, total ou parcial dalgunha das súas cláusulas por calquera das partes, ou denuncia expresa por algunha das partes asinantes cunha antelación mínima de tres meses á data de fin de vixencia.

En todo caso, as partes comprométense a continuar as actividades docentes da Unidade ata a finalización do programa completo dos enfermeiros/as especialistas que se encontren en formación.

Duodécima. Natureza do convenio

Este convenio é de natureza administrativa e rexerase polas estipulacións nel contidas. A xurisdición competente para dirimir os conflitos que puidesen resultar deste será a contencioso-administrativa.

En todo o non disposto por este convenio, no que o réxime do financiamento se refire, estarase ao disposto na normativa de aplicación en materia de axudas e subvencións, e máis concretamente na Lei 9/2007, do 13 de xuño.

Décimo Terceira. Rexistro de Convenios, transparencia e bo goberno

A firma deste convenio leva implícito o consentimento expreso das partes intervenientes para que a Administración pública autonómica galega poida facer públicos os datos de carácter persoal que figuren nel, de acordo co disposto na Lei 19/2013, de 9 de decembro, de transparencia, acceso á información pública e bo goberno, e a Lei galega 1/2016, do 18 de xaneiro.

E en proba de conformidade, asínase o presente Convenio en cuadriplicado exemplar no lugar e data anteriormente indicados.

Polo Servizo Galego de Saúde

Pola Universidade de Santiago de Compostela

D. Jesús Vázquez Almuiña

D. Antonio López Díaz

ANEXO. DISPOSITIVOS HOSPITALARIOS E DE ATENCIÓN PRIMARIA DO SERVIZO GALEGO DE SAÚDE QUE FORMAN PARTE DA UNIDADE DOCENTE

PROVINCIA	DISPOSITIVOS HOSPITALARIOS	DISPOSITIVOS ATENCIÓN PRIMARIA	PLAZAS ACREDITADAS
A CORUÑA	C.H. UNIVERSITARIO A CORUÑA	COF GREGORIO HERNÁNDEZ COF MIGUEL SERVET CS ADORMIDERAS CS CAMBRE CS ELVIÑA-MESOIRO CS LABAÑOU CS VENTORRILLO	4
	C.H. ARQUITECTO MARCIDE-PROFESOR NOVOA SANTOS	COF FERROL CS NARON CS SERANTES	2
	C.H. UNIVERSITARIO DE SANTIAGO DE COMPOSTELA	COF FONTIÑAS CS CONXO CS LA ESTRADA	3
LUGO	C.H. UNIVERSITARIO XERAL-CALDE	COF LUGO CS FINGOI	2
OURENSE	C.H. DE OURENSE	COF CARBALLINO COF OURENSE CS A CUÑA-MARIÑAMANSA CS NOVOA SANTOS CS VALLE INCLAN	2
PONTEVEDRA	C.H. DE PONTEVEDRA	COF PONTEVEDRA CS VIRGEN PEREGRINA	2
	C.H. UNIVERSITARIO DE VIGO - EOXI VIGO	COF CÁNOVAS DEL CASTILLO COF PINTOR COLMEIRO CS LAVADORES CS MATAMA CS SARDOMA CS VAL-MIÑOR	5

TOTAL C.A. DE GALICIA	20
-----------------------	----